

م.ع. صابری

اوشاقلار ایچون شعرلر

۱۹۰۶ - ۱۹۱۰

## مکتب شاگردلرینه تحفه

ای اوشاقلار، اوشاقلق ایامی -  
 گلن ایامک اونددر کامی.  
 کیم که، غیرتله زحمته آلیشار،  
 کسب عرفانه روز و شب چالیشار -  
 زحمتی مایه سعادت اولار،  
 یاشادقجه همیشه راحت اولار.  
 کیم که، تنبلیگه محبت ایدر،  
 دائم اگنجه لرله الفت ایدر،  
 کیچیره وقتنی جهالت ایله،  
 بوتون عمری کیچر سفالت ایله.  
 ایشته، اولاد، سیز بو حالی گورک،  
 بو ایکی واضح احتمالی گورک.  
 وقتدن دائم استفاده ایدک،  
 علم تحصیلنی اراده ایدک.  
 چالیشک بی نیاز اولک، چالیشک،  
 علمله سرفراز اولک، چالیشک.  
 گله جک گونلرک سعادتنی  
 قازانک فضل و فخر و عزتنی.  
 سیزده در ملتک امید گوزی -  
 حال ایله سویلیور سیزه بو سوزی.  
 دینله یگ یاغیلی صدالرینی،  
 ایشیدک آتشین نوالرینی.  
 اوقویک، ملتک نجاتی اولک،  
 تا ابد باعث حیاتی اولک!